



FIXA TEMÁTICA N. 1

Seguransa Ai-Han no Nutrisaun

SEGURANSA AI-HAN NO NUTRISAUN

Abordajen kona-ba seguransa ai-han no nutrisaun (SAN) hetan evolusaun husi tinan-ba-tinan. Ohin loron, abordajen ida ne'e bele simu ona iha nia forma olística, inklui kestaun sira ne'ebé relasiona ho produsaun no oferta ai-han nian, asesu ba ai-han, ai-han ne'ebé la halo aat no seguransa ai-han, kestaun sira kona-ba ema nia saúde no maneira oinsá ema moris.

Definisaun ne'ebé hakerek iha kaixa testu, iha sorin, mak FAO adota, iha tinan 1996, no definisaun ne'e mak hetan konsensu boot liu, maské ita haree di'ak liu nasaun ida-idak adota ninia definisaun rasik kona-ba SAN, tuir sira-nia espesifisidade rasik.

SEGURANSA AI-HAN NO NUTRISAUN (SAN)

Ita bele dehan katak eziste seguransa ai-han nian bainhira ema sira hotu iha asesu fiziku no ekonómiku, permanente, ba ai-han ne'ebé seguru, nutritivu no natoon atu hatan ba sira-nia nesesidade no ba buat ne'ebé sira gosta liu, atu nune'e ema hotu bele moris ativu no saudável.

Planu Asaun Simeira Mundiál Ai-han nian (Roma, 1996)

DIMENSAUN OIOIN

Atu alkansa situasaun seguransa ai-han no nutrisaun ida-nian ita presiza haree liuliu ba aspetu oioin, ne'e duni mak iha afirmasaun katak abordajen ida-ne'e multidimensionál.

SEGURANSA AI-HAN NO NUTRISAUN



Atu hetan situasaun ida "seguransa" nian ba família sira kona-ba ai-han no nutrisaun, ita tenke haree ba dimensaun sira hotu dala ida de'it.

DIMENSAUN PRINSIPÁL SEGURANSA AI-HAN NO NUTRISAUN NIAN

- **Disponibilidade:** Refere ba kuantidade ai-han suficiente ne'ebé iha, ho qualidade adekuada, atu hatan ba nesesidade konsumu populasaun nian. Oferta ai-han mak fó liuhusi produsaun doméstika ka importasaun sira (inklui ajuda ai-han nian). Atu halo estimativa kona-ba disponibilidade iha planu internu ita presiza haree ba hirak-ne'ebé lakon iha pós-kulleita no ba esportasaun sira.
- **Asesu:** Refere ba individu u sira-nia kapasidade atu hetan ai-han ne'ebé presiza. Falta kapasidade atu asesu ba ai-han bele akontese tanba razaun ekonómika, bainhira ema lakonsege prodús sira nia ai-han rasik nomós lakonsege sosa ai-han sira iha merkadu (tanba falta rendimentu), ka razaun física, bainhira ai-han disponível ne'ebé presiza ba konsumu mak laiha de'it.
- **Utilizasaun:** Refere ba atu kumpre rekizitu nutrisaun mínimu nian. Relasiona ba ai-han nia utilizasaun liuhusi dieta adekuada ida, bee moos, saneamentu no kuidadu saúde atu bele hetan bein-estár nutrisaun nian ho nesesidade fisiológika sira hotu bele satisfaitu.
- **Estabilidade:** Refere ba asesu permanente ba ai-han adekuada ida, ka ita bele dehan: estabilidade kona-ba ai-han ne'ebé disponível (produsaun lokál, merkadu); estabilidade kona-ba asesu ba ai-han (garantia kona-ba possibilidade atu sosa, garantia servisu, garantia kondisaun lojística, nsst); estabilidade kona-ba individu u sira-nia kondisaun saúde no kondisaun iha sira-nia hela fatin.

INTERSETORIALIDADE

Atu alkansa situasaun SAN nian ne'ebé permanente no sustentável, presiza adota foku ida intersetorial nian iha política pública sira nia definisaun no implementasaun. Ne'e signifika katak, setór oiain governu nian (Agrikultura, Saúde, Edukasaun, Finansas, Ekonomia, Komérsiu, entre sira seluk tan) tenke servisu ho kordenasaun no simu partisipasaun ativa husi atór sira seluk (sosiedade sivil, setór privadu, doador sira, comunidade internasionál).

INSEGURANSA AI-HAN NIAN NO VULNERABILIDADE

Ita bele deskreve **Inseguransa ai-han no nutrisaun** hanesan situasaun ida bainhira ema ka populasaun ruma laiha asesu seguru ba kuantidade ai-han ne'ebé natoon ba kreximentu no dezenvolvimentu normál atu moris ativu no saudável. Importante atu halo distinsaun no fó atensaun ba situasaun ne'ebé lahanesan:

- **Inseguransa ai-han krónika:** bainhira akontese beibeik hanesan konsekuénsia, porezemplu, husi situasaun mikit no inkapasidade kompleta atu asesu ba ai-han.
- **Inseguransa ai-han aguda:** bainhira akontese iha tempu badak nia laran hanesan konsekuénsia, porezemplu, husi adversidade klimátika, hanesan tempu bailoron no bee-sa'e ka problema sosiál, polítiku ka ekonómiku sira seluk.

Vulnerabilidade mak rezultadu negativu inseguransa ai-han no nutrisaun, ka bele dehan, refere ba ema sira-nia tendénsia atu bele monu ka atu moris iha SAN nia okos durante tempu ruma determinadu.

Bainhira ema iha difikuldade asesu ba kuantidade ai-han saudável no nutritivu sira sai mós vulnerável liu ba problema saúde nian. Vulnerabilidade mak rezultadu halibur situasaun balun durante tempu ruma nia laran. Nune'e, karik grupu ida moris iha situasaun risku, fásil liu atu tama iha situasaun inseguransa ai-han no nutrisaun nian.

KAUZA PRINSIPÁL BA INSEGURANSA AI-HAN NO NUTRISAUN

- **Falta asesu ba ai-han** (tanba rendimentu familiár kí'ik maibé mós tanba la iha disponibilidade ai-han iha merkadu sira, tanba frakeza sistema fornesimentu no komérsiu nian, rede transporte sira-nian);
- **Difikuldade asesu ba rekursus** (rai, bee, fini, insumu agrikula, kréditu, teknolojia, nsst.);
- **Saúde ema nian iha situasaun fraku** (liuliu HIV/Sida, malária, tuberkulose, diarreia);
- **Servisu báziku sira ne'ebé la iha ka la nato'on** (saneamentu, abastesimentu bee moos, kondisaun hela-fatin ne'ebé la di'ak no ijiéne iha uma, nsst.);
- **Problema makroekonómiku no sosiál** (Blokeiu komersiál, falta artikulasaun iha setór agrikultura, komérsiu, transporte, dezempregu, instabilidade sosiál, nsst.);
- **Dezastre naturál no konflitu sira** (bee sa'e, rai-maran, maibé nomós konflitu sivil no militar);

Autór: ATUAR – Associação para a Cooperação e o Desenvolvimento. Portugal (<http://www.actuar-acd.org/>)

Publikasaun ne'e produzir ho apoiu husi União Europeia. Ho konteudu eksklusiva ba responsabilidade HASATIL no mos labele, iha kasu ruma, konsidera nudar expresaun ba posisaun União Europeia"

Projeto Assistência Técnica no Háftora Kompeténsia HASATIL nian no Organizasaun: Sociedade Sivil ba Dezenvolvimentu Rural iha Timor-Leste (PEO/2022/294-340)

Ho financiamento husi



Koordenasaun



Parseirus



ASOS-AGU



FOKUPERS

